

IX Դ. ԵՐԿՐՈՐԴ ԿԵՍԻՆ ՊԵՏՈՒԹՅՈՒՆ ԵՎ ԵԿԵՂԵՑԻ
ՀԱՐԱԲԵՐՈՒԹՅՈՒՆՆԵՐԻՆ ԱՈՆՉՎՈՂ ԽՆԴԻՐՆԵՐԻ ՇՈՒՐՋ

ՎՐԵԺ ՎԱՐԴԱՆՅԱՆ

IX դ. երկրորդ կեսին Արաբական խալիֆայության քաղաքական համակարգը հոգևարք էր ապրում, տեղը գիջելով ավելի կենսունակ ու բնական կազմավորումների՝ ազգային պետությունների: Հայաստանը ևս ջանում էր թոթափել ընդհանուր իրեն սլարտադրված ավելի քան երկարյա օտար գերիշխանությունը: Սակայն խալիֆայությունը նպատակապես ճիգեր էր գործադրում Հայաստանը ներքին ինքնուրույնությունից, պետական կենսունակությունից զրկելու համար: Արաբական Բուղա զորապետը 851 թ. պետք է իրագործեր այդ ծրագիրը՝ «բարձումն յաշխարհէս մեծամեծացն Հայոց»¹, - գրում է Արծրունյաց պատմագիրը: Վերջինս թեև հաղորդում է, որ գծնաբարք այդ զորապետը խնայեց Սմբատ սպարապետի որդիներ Աշոտին, Մուշեղին ու Սմբատին, թողնելով «տիրել աշխարհին իւրեանց յաղաս յառաջագոյն մտերմութեան հօրն նոցա առ թագաւորն և առ զօրավարն», սակայն նրա հետագա շարագրանքից հավաստվում է, որ Բուղան չի վստահել Սմբատ սպարապետին և նրա որդիներին: Սմբատը մահվամբ հատուցեց այդ «մտերմության» համար, իսկ Պարտավում որջացած Բուղան ոմն Աբրահիմի նշանակեց «հազարապետ Հայոց, և վերակացու ի վերայ հարկաց արքունի, և տիրել փոխանակ իշխանաց նորա»²: Բայց խալիֆայի արբանյակներն այլևս չէին կարող միանձնյա գերակայել Հայաստանում: Ուստի 855 թ. Աշոտ Բագրատունին ճանաչվեց Հայոց սպարապետ: Անվանական էր գառնում նաև Արմինիայի ոստիկանի իրավազորությունը: 862 թ. ոստիկան կարգվեց Ալի իբն Յահյա ալ-Արմանին³, որը խալիֆայի հրամանով նույն տարում Աշոտ Բատրատունուն կարգեց «իշխան իշխանացս Հայոց... բազում զգեստիւք և արքունական պատուով ճոխացուցեալ ի նա հաւատալով զսակս Հայոց և զամենայն բեկար արքունի»⁴:

Արաբական խալիֆայության համակարգում քրիստոնեական եկեղեցին պետություն էր սլետություն մեջ⁵: Հարկավ, Հայ առաքելական եկեղեցին մարմնավորում էր Հայաստանի սլետականությունն իբրև հոգևոր և օրենսգիր հաստատություն: Այն պահպանում էր նաև իր ապահարկ կացությունը

¹ Թ ո վ մ ա Ա ը ժ ը ո ն ի և Ա ն ա ն ու ն. Պատմութիւն տանն Արծրունեաց. Երևան, 1985, էջ 296:

² Նույն տեղում, էջ 298:

³ Նույն տեղում:

⁴ Я к у б и. История. Пер. П. Жузе, Баку, 1927, с. 21.

⁵ Յովհաննու կաթողիկոսի Դրասխանակերտցոյ Պատմութիւն Հայոց (այսուհետև՝ Հ ո վ հ. Դ ը ա ս խ ա ն ա կ ե ը տ ց ի): Թիֆլիս, 1912, էջ 133:

⁶ А. М е ц. Мусульманский ренессанс. М., 1973, с. 39.

նր, գավանական ինքնուրույնությունը, երկրի պետաիրավական օրինակարգը, սահմանում կանոնական իրավանորմեր, որոշումներ: Եկեղեցու առաջնորդը շարունակում էր նստել Դվինում՝ ոստիկանի նստավայրում, միջնագարյան Հայաստանի հուշակավոր մայրաքաղաքում, խորհրդանշելով երկրում իր ունեցած հոգևոր-քաղաքական իրավագործությունը: Բազրատունիները հաշվի առան այդ գորեղ փաստը և ամեն կերպ ջանացին եկեղեցին գարձնել իրենց իշխանությունն օրինականացնելու և ամրապնդելու հուսալի երաշխիքը: Երկրի միասնությունն ապահովելու համար պետք է միաբանվեին Հայաստանի եկեղեցին և քաղաքական իշխանությունը: Դեռևս Սմբատ Բագրատունի սպարապետը հետամուտ եղավ դրան, 855 թ. նրազավորս գյուղաքաղաքում գումարել տալով եկեղեցաժողով, ուր կաթողիկոս ձեռնագրվեց Զաքարիա Զագեցին⁷: Վերջինս չունեի հոգևոր կարգ, սակայն Սմբատի կամքով միանգամից «ընկալաւ զսարկաւազութիւն, զքահանայութիւն, զեպիսկոպոսութիւն և զկաթողիկոսութիւն»⁸: Զաքարիա կաթողիկոսը քանի որ առաջադրվեց Սմբատ Բագրատունու կամքով, ուստի պետք է նպաստեր Բագրատունիների իշխանության ամրապնդմանը, դառնար նրանց հենարանը:

Եկեղեցու և Հայաստանի աշխարհիկ իշխանության համագաղն դործելակերպը առավել ցայտունությունը դրսևորվեց Սմբատ Բագրատունու որդու՝ Աշոտի օրոք, էականորեն նպաստելով նրա հեղինակության բարձրացմանը: Զաքարիա կաթողիկոսի սատարմամբ 858 թ. աքսորից վերադարձած կեղծուրաց հայ նախարարները վերստին դավանեցին քրիստոնեական հավատը՝ «ոչ ի ծածուկ երկիւղիւ ինչ՝ այլ իբրև ի վերայ բարձր տանեաց քարոզէին զՔրիստոսի աստուածապաշտութիւն»⁹: Իսլամն ինչպես հայտնի է, մահավճիռ էր նախատեսում հավատուրացների նկատմամբ: Սակայն այդ կրոնն առերես ընդունած հայ նախարարների նկատմամբ դա բացառվեց, շնորհիվ, անշուշտ, Հայաստանի զորավոր զիրքի, Աշոտ Բագրատունու և Հայ եկեղեցու ազդեցության: Քանի որ եկեղեցին կեղծուրաց նախարարներին վերադարձրեց քրիստոնեության զիրկը, ուստի հարկ է, որ մեծանար նրա հոգևոր ազդեցությունը իշխանների վրա:

Եկեղեցու ազդեցիկ դիրքը որոշապես նպաստում էր Աշոտ Բագրատունու ազդեցության ընդլայնմանը: Աշոտ իշխանաց իշխանի գերազդեցիկ գործառնությունը հաշվի էր առնում նաև արաբական խալիֆան: Վերջինս նույնիսկ Աշոտի առաջարկությամբ 878 թ. Արմինիայի ոստիկան նշանակեց հայ նախարարներին վաղածանոթ Մուհամմադ իրն Խալիդին¹⁰ (սլատմիչի մոտ՝ «Ահմաթ որդի Հալթի»)՝ Հայաստանի իշխանաց իշխանը, ինչպես հայտնի է, ենթարկվում էր ոստիկանին և հաստատվում խալիֆայի կողմից: Արմինիայի ոստիկանի շրջապատում զգալի էր Հայոց եկեղեցու առաջնորդի ազդեցությունը: Վարդան Արևելցին վկայում է, որ Հայոց

⁷ Հ ո վ հ. Դ ր ա ս խ ա ն ա կ ե ր տ ց ի, էջ 127:

⁸ Մ ի թ ա ր Ա յ ր ի վ ա ն Ե ց ի. Պատմութիւն Հայոց. Մոսկուա, 1860, էջ 55:

⁹ Հ ո վ հ. Դ ր ա ս խ ա ն ա կ ե ր տ ց ի, էջ 134:

¹⁰ А. Т е р - Г е в о н д я н. Армения и Арабский халифат. Ереван, 1977, с. 236.

¹¹ Թ ո վ մ ա Ա ր ծ ր ու ն ի և Ա ն ա ն ու ն, էջ 340:

կաթողիկոս Զաքարիա Զադեցին Արմինիայի Հիսե ոստիկանի մոտ այցելելիս «յոյժ մեծարի ի նմանէ, տուեալ նմա շատ ինչ պարգևս, և դրօշս՝ բաննայ խաչ ի վերայ նորա, և մտանել առաջի նորա միշտ»¹²:

Հասկանալի է, երկրում Աշոտ Բագրատունու աճող ազդեցությունը (անշուշտ, նաև Հայոց եկեղեցու կողմից նրան սատարելը) ի դերև էր հանում Հայաստանում Արմինիայի ոստիկանի իրավունքները, քանի որ վերջինս հետզհետե ղրկվում էր այնտեղ ունեցած հենարանից, տեղը զիջելով Աշոտ Բագրատունուն: Ոստիկանի տրամադրությունն տակ եղած զորուժն անհամեմատորեն թույլ էր, քան Աշոտ Բագրատունուն ենթակա Հայոց, վրաց և ազվանից իշխաններին, որոնք միարանվեցին Աշոտի գերակայության տակ, այն գերադասելով իսլամի տիրապետությունից: Դվինից ոստիկանի նստավայրը Պարտավ տեղափոխելը նաև Հայաստանում նրա հենարան չունենալու արգասիք էր: Այդուհանդերձ, Արմինիայի վերջին ոստիկանը փորձեց դավադիր միջոցներով ոչնչացնել Հայոց իշխաններին՝ Պարտավի Յամանիկ ամիրայի դորակցությունամբ, սակայն Աշոտ Բագրատունին իր դիտախույզների միջոցով վերահասու եղավ ոստիկանի նյութած գավին և 878 թ. նրան վտարեց Հայաստանից: Աշոտը զգուշավոր նկատառումներով շարունակեց ճանաչել ոստիկանի հաջորդների իշխանությունը՝ ընդհուպ մինչև իր թագավոր օժվելը: Թագավոր դառնալուց հետո ևս նա չխցեց կապերը խալիֆայությունից: Այն փաստը, որ նա Հայ իշխանների ու հոգևոր դասի կամակցությունամբ թագ ստանալու համար դիմեց խալիֆային, վկայում է, որ նա չէր կամենում լիովին անջրպետվել խալիֆայությունից: Նա անգամ Դվինը չդարձրեց իր թագավորության մայրաքաղաք, որպեսզի չհարուցի խալիֆայի դժգոհությունը: Թեև Հայ եկեղեցու գուրխը նստում էր Դվինում, սակայն խալիֆայությանը նա երկյուղ չէր ներշնչում, քանի որ կաթողիկոսն իր տրամադրության տակ չունեի զորք, Հայ իշխանների վրա նրա ազդեցությունը դուրս չէր դալիս հոգևոր-քարոյական շրջանակներից: Այդ ազդեցությունը գործուն բնույթ ունեի հատկապես Աշոտ Բագրատունու շնորհիվ: Թովմա Արծրունին վկայում է, որ երբ Դերենիկ Արծրունի իշխանը կալանեց Գուրգեն Ապուլպլճին, Զաքարիա կաթողիկոսը Աշոտ Բագրատունու հետ ժամանեց Վասպուրական և Դերենիկին հորդորեց աղատ արձակել Գուրգենին: Արծրունյաց մեծ իշխանն անսաց կաթողիկոսին, քանի որ վերջինիս հետ էր նաև իշխանաց իշխանը¹³: Սակայն երբ կաթողիկոսը միայնակ էր փորձում հարթել միջիշխանական վեճերը, չէր հասնում ցանկալի արդյունքների: Այսպես, երբ նույն Դերենիկ Արծրունին բանտարկեց Տարոնի իշխան Աշոտ Կյուրապաղատին, Գևորգ կաթողիկոսը փորձեց միջամտել և աղատել տալ նրան: Նա «բազում անգամ թղթովք աղաչեալ զնա, ոչ առնոյր յանձն», — գրում է Արծրունյաց սլատմիչը: Դերենիկի մոտ անձամբ ժամանած կաթողիկոսի հորդորները ոչ մի ներգործություն չունեցան¹⁴: Երբ Դերենիկը կալանվեց Հասան Արծրունու կողմից, կաթողիկոսը «իմաստուն և հանճարեղ խորհր-

¹² Հալաբուլումն Պատմութեան Վարդանայ Վարդապետի (այսուհետև՝ Վ ա Ր դ ա ն). Վենետիկ, 1862, ԽԵ, էջ 85:

¹³ Թ ո Վ մ ա Ա Ր ծ Ր ո Ն ի և Ա ն ա ն ու Ն, էջ 320–322:

¹⁴ Նույն տեղում, էջ 346:

դովք, քաղցր և կակուղ բանիւք» ջանաց Հասանին Համոզել՝ աղատ արձակելու Դերենիկին, սակայն այս անգամ ևս Հաջողության չհասավ: Վերջինս բանտից աղատվեց միայն այն ժամանակ, երբ գործին միջամտեց նաև Աշոտ Բագրատունին¹⁵:

Թեև Աշոտ Բագրատունուն էին ենթարկվում նաև վրաց և աղվանից իշխանները, սակայն հայոց իշխանաց իշխանը քաղաքական նկատառումներով երբեք առաջնութունն չտվեց դավանական դործոնին, չսրեց նաև քրիստոնյաների ու իսլամ գավանողների կրոնական հարաբերությունները (մանավանդ որ նա երեք երկրների վրա գերակայություն ուներ խալիֆայի կամքով): Վրաց և աղվանից իշխանները Աշոտ Բագրատունուն դերադասում էին արաբ ոստիկանից նաև այն պատճառով, որ Աշոտը կարող էր նպաստել նրանց իշխանության ընդլայնմանը և հատկապես այդ երկրներում որոշակի ազդեցություն հասած Բագրատունիների իշխանության մեծացմանը, իր քաղաքական ձեռնարկումներում հենվելով նաև նրանց աջակցության վրա:

Աշոտ Բագրատունու դերակայությունը Հայաստանում, Վրաստանում և Աղվանքում ընդունում էին նաև Բյուզանդիայում: Ըստ Կոստանդին Ծիրանածնի, Աշոտ Բագրատունին իշխում էր Արևելքի (նկատի ունի քրիստոնյա Արևելքը) բոլոր երկրներում¹⁶: Հայաստանի դավանափոխութունը կարող էր ապահովել Բյուզանդական եկեղեցու գերիշխանությունն այդ երկրներում: Այդ նպատակադրումով Փոտ պատրիարքը դիմեց Հայոց եկեղեցու առաջնորդ Ջաքարիա Չագեցուն: Նրա այդ քայլը պայմանավորված էր նաև այն իրողությամբ, որ տվյալ պահին (Փոտի գահակալումից (858 թ.) հետո) հուլիս սրվել էին Հռոմի եկեղեցու հետ Կոստանդնուպոլսի պատրիարքության հարաբերությունները, սպառնալով հանգեցնել բացարձակ խզման¹⁷: Փոտը հուլյս ուներ, որ ի դեմս Արևելքի քրիստոնյա երկրների, կարող է դաշնակիցներ ձեռք բերել ընդդեմ Հռոմի պապի: Սակայն Ջաքարիա Չագեցին բնավ չընդառաջեց նրան: Փոտի կողմից հայոց կաթողիկոսին հղած նամակից երևում է, որ վերջինս պատրիարքին ուղարկած թղթով դատափետել է քաղկեդոնականությունը, այն դիտելով որպես առաջին երեք տիեզերաժողովների սահմանած դավանական սկզբունքներին հակասող ուղղություն¹⁸: Երկարաբան այդ նամակում Փոտը հայոց հովվապետին գիտնում է իբրև թագեոս առաքյալի և Գրիգոր Լուսավորչի աթոռի ժառանգորդի, նրան անվանելով «վերատեսուչ հիւսիսական ազինդ և հովուապետ Ասքանագեան գորացգ»։ Նա ջանում է նաև հիմնավորել Քաղկեդոնի չորրորդ տիեզերաժողովի ընդունած հավատո բանաձևի («Լևոնի տոմարի») ուղղադավանությունը, միաբնակությունը դիտելով իբրև հերձվածող հոսանք¹⁹: Պատրիարքը փորձում է կաթողիկոսին համոզել, որ հայերը մինչև Դավիթի 554 թ. ժողովն ընդունել են Քաղկեդոնի ժո-

¹⁵ Նույն տեղում, էջ 348:

¹⁶ Կոստանդին Ծիրանածնի, Թարգմ. առաջաբան և ծանոթագրությունները Հր. Բարթիկյանի, Երևան, 1970, էջ 10:

¹⁷ История Византии, т. II, М., 1967 с. 195 – 196.

¹⁸ Թուղթ Փաւտայ պատրիարքի առ Ջաքարիա կաթողիկոս Հայոց Մեծայ (Православный Палестинский Сборник, XI, вып. I, СПб., 1892, с. 180):

¹⁹ Նույն տեղում, էջ 189:

դովի սահմանած հավատքը: Ավելին, նա պնդում է, որ թեև այդ ժողովում մերժվել է քաղկեդոնականությունը, սակայն հայերը 571 թ. հետո վերստին ընդունել են այն և միայն 726 թ. Հովհան Օձնեցու օրոք, Մանազկերտի եկեղեցածողովում սահմանազատվել են երկաբնակությունից²⁰:

Վարդան Արևելցին Փոտի կողմից Ջաքարիա կաթողիկոսին ուղարկած այս նամակը դնում է հայոց 318 (869) թվականին²¹, ինչը սակայն հակասում է նամակի հիշատակարանում վկայված տարեթվին: «ՅԺԱ թուակա-նութեան հայոց առաքեաց Փուտ Կոստանդնուպոլսի հայրապետն առ Ջաքարիա հայոց մեծաց կաթողիկոս», կարդում ենք այդ հիշատակարանում²²: Ըստ այդմ, Փոտը Ջաքարիա կաթողիկոսին նամակ է հղել հայոց 311 թվականին, իմա՝ 862 թ.²³:

Փոտը նամակ ուղարկեց նաև Աշոտ իշխանաց իշխանին, հավանաբար, Ջաքարիա կաթողիկոսի մահվանից և Կ. Պոլսի պատրիարքական աթոռին երկրորդ անգամ իր բաղմելուց (877 թ.) հետո, հույս ունենալով, որ Բագրատունի տիրակալը ելնելով քաղաքական իրավիճակից (Բյուզանդիան արդեն նեղն էր լծում հոգևարք ապրող խալիֆայությունը), հարկ է որ ընդառաջեր կայսրության եկեղեցու առաջնորդին: Փոտը թերևս հույս ուներ, որ հայոց նորընծա կաթողիկոսն Աշոտ իշխանաց իշխանի ազդեցությամբ չի ցուցաբերի իր նախորդի համառությունը: Փոտն Աշոտին դիմում է սիրաշոյող խոսքերով, նրան անվանելով «քաջայայտդ բարետոհմութեամբ հզաւրադոյնդ ճոխութեամբ, բարձրագոյնդ ի համասեռոս»: Պատրիարքը ջանում է նույնացնել եփեսոսի երրորդ (431 թ.) և Քաղկեդոնի 451 թ. չորրորդ տիեզերածողովների հաստատած հավատո սկզբունքները, գրելով. «Չորրորդ ժողովս երրորդիս միաբանեաց, զիա՞րդ յանձին ունիք հայհոյել և չարահամբաւել»²⁴: Նա հույս էր ակնկալում, որ Քաղկեդոնի ժողովն «ի թիւ երից ժողովոյն ի ձենջ խոստովանեալ փառաւորեսցի... Ո՛վ ոք իշխեսցէ ընգդէմ կալ հաւատոյն, որ սփռեալն և տարածեալն է ընդ ոլորտս երկրի»²⁵:

Բյուզանդական եկեղեցին, ինչպես հայտնի է, կայսերականացված էր. կայսրը միաժամանակ եկեղեցու առաջնորդն էր, ուստի Փոտն իր խոսքն առավել ազդու դարձնելու համար Աշոտին դիմում է կայսեր անունից (անշուշտ, նրա կամքով), գրելով. «...Աղաչեմք զքոյգ մեծութիւն հաստատել ի ձեռն սրբոց ժողովոցն յամբիժ հաւատն, և ոչ խոտորել ի թագաւորական շաւղացն, այլ ընդ նոցայն գնալ ուղիգ ճանապարհ»: Քաջ գիտեալով, որ հայերն ի սկզբանե մերժել են Նեստորի ուսմունքը և այն նույ-

²⁰ Նույն տեղում, էջ 181–183:

²¹ Վ ա Ր Գ ա ն, ԽԴ, էջ 82:

²² Православный Палестинский Сборник, XI (I), с. 196.

²³ Մ. Օրմանյանը Ջաքարիա կաթողիկոսի հետ Փոտի նամակագրությունը գնում է 864–867 թթ. միջև ընկած ժամանակներում (տե՛ս Մ. Օրմանյան. Ազգապատում. Ա, Ս. էջմիածին, 2001, էջ 1136), ինչը տարբեր է վերը նշված հիշատակարանում եղած թվականից (այս մասին տե՛ս նաև Պ. Ա. Ն. ա. ն. Գոտ պատրիարքի թղթակցութիւնը Հայոց հետ. – «Բազմավէպ», 1988, N1–4, էջ 18):

²⁴ Գիրք թղթոց. Թիֆլիս, 1901, էջ 279:

²⁵ Նույն տեղում, էջ 280:

նացրել երկաթնակուլթյան հետ, Փոտը դատապարտում է այդ ուսմունքը, այն դիտելով որպես քաղկեդոնականությանը հակոտնյա հոսանք²⁵:

Սակայն Աշոտ Բագրատունին բնավ չհրապուրվեց պատրիարքի առաջարկութեամբ, կռահելով նրա հետին նպատակները, այն է՝ Հայոց եկեղեցին կախման մեջ դնել Բյուզանդական եկեղեցուց, և այդպիսով դավանափոխել հայ ժողովրդին: Աշոտը հասկանում էր, որ Հայաստանում տակավին դրոլթյան տերն է խալիֆայությունը: Բյուզանդիայի հետ իր մերձեցումը կարող էր սրել հայ-արաբական հարաբերությունները և խոչընդոտել Հայոց թագավորության վերականգնմանը նպատակաուղղված գործընթացներին: Աշոտ Բագրատունին նույնիսկ հովանավորեց Տայք նահանգի եպիսկոպոս Սահակին, որին հայածում էին բյուզանդական իշխանությունները (Տայքն այդ ժամանակ կայսրության կազմում էր): Սահակը, ինչպես հավաստում է Վարդան Արևելցին, «հալածեալ անտի վասն հաւատոց, եկն ի Հայս առ Աշոտ»²⁷:

Աշոտ իշխանայ իշխանը Շիրակավանում գումարել տվեց ժողով, որպեսզի հիմնարար պատասխան տրվի Փոտի կողմից արված առաջարկին: Ենթադրվում է, որ ժողովը հրավիրվել է Զաքարիա կաթողիկոսի օրոք²⁸: Հավանաբար, այն տեղի է ունեցել Գևորգ Գառնեցու գահակալման սկզբում՝ 878 թ. (ժողովի գումարումը գրվում է նաև 879 թ. հետո)²⁹: Մեկ այլ ենթադրության համաձայն, Շիրակավանի ժողովը կայացել է 862 թ. և իբր թե ընդունել է Քաղկեդոնի ժողովի սահմանած վարդապետությունը³⁰: Սակայն այդ կարծիքը ժխտվում է սկզբնաղբյուրների տվյալներով:

Ուշագրավ է, որ Սահակ վարդապետը գրեց Փոտի թղթի պատասխանը «հրամանաւ Աշոտոյ հայոց իշխանաց իշխանի»³¹: Այդ թուղթն ըստ Ասողկի, լի էր «իմաստութեամբ և գիտութեամբ»³²: Այնտեղ հիմնավորապես ժխտվեցին քաղկեդոնականության և նրանով զորացած նեստորականության հավատո սկզբունքները և վճռապես ազդարարվեց Հայոց եկեղեցու հավատարմությունն առաջին երեք տիեզերաժողովների հաստատած հավատքին: Թղթում ընդգծվեց, որ Քաղկեդոնի ժողովի ընդունած հավատո բանաձևը («Լևոնի տոմարը») «ոչ երբէք ընկալան հարքն մեր և վարդապետքն, ծանուցեալք զնոցա ատարածայնութիւնս»³³: Հիմնավոր փաստարկումներով պաշտպանվեց միաբնակությունն ըստ Կյուրեղ Ալեքսանդրացու սահմանած սկզբունքների և Եփեսոսի ժողովի հաստատած հավատո

²⁶ Նույն տեղում, էջ 281:

²⁷ Վ ա ռ դ ա ն. ԽԴ, էջ 85:

²⁸ Մ. Օ Ր մ ա ն ե ա ն. Նշվ. աշխ., Ա, էջ 1139:

²⁹ Հմմտ. Պ. Ա ն ա ն ե ա ն. Փոտ պատրիարքի թղթակցությունը..., էջ 17:

³⁰ Վ. Հ ա ց ու Ն ի. Կարևոր խնդիրներ Հայ եկեղեցու պատմությանը. Վենետիկ, 1927, էջ 478-479:

³¹ Գիրք թղթոց, էջ 283: Վարդան Արևելցին ժողովականների մեջ հիշում է նաև Նանա Ասորուն (Վ ա ռ դ ա ն. ԽԴ, էջ 82), որը սակայն, ժամանակակից է ոչ թե Աշոտ իշխանաց իշխանին, այլ Աշոտ Մսակեր Բագրատունուն (տես Michel Le Syrien. Chronique. T. III, ed. et trad. par J. Chabot, Paris, 1905, p. 495-496). Այս մասին տես նաև Ն. Ա կ ի ն ե ա ն. Թեոդորոս Ապիկուռա և Նանա Ասորի Հայաստանի մեջ. - Մատենադրական հետազոտություններ. Հ. Ա, Վիեննա, 1922, էջ 121:

³² Տես Ստեփաննոսի Տարոնեցու Ասողկան Պատմություն տիեզերական (այսուհետև՝ Ստ. Տարոնեցի). Ս. Պետերբուրգ, 1885, III, Բ, էջ 158:

³³ Գիրք թղթոց, էջ 284-292:

բանաձևի: Կտրուկորեն մերժվեց Եվտիքեսի ծայրահեղ միաբնակութունը, որը ժխտում էր Քրիստոսի մարդկային բնությունը (Փոտն իր թղթում Հայոց եկեղեցին համարում էր Եվտիքեսի հետևորդ): Նամակում հատուկ շեշտվեց հավատարմութունը «Լուսավորչին մերոյ սրբոյն Գրիգորի ուղղակի սահմանագրութեան ամբիժ հաւատոյն... զոր շինեաց սուրբն այն ի վերայ առաքելական վիմին»:

Այս պատասխանից հետո Փոտ սլատրիարքը համոզվեց, որ Հայերի դավանական ինքնորոշումը հաստատ է ու անբեկանելի: Ուստի նա այլևս փորձ չարեց գավառափոխության իր ծրագրերը հրամցնել նրանց: Իհարկե, Փոտի առաջարկի մերժումից հետո Հայ-բյուզանդական հարաբերությունները չմթազնեցին, չնորհիվ Աշոտ Բագրատունու քաղաքական իմաստունության, չրջահայեցողության: Չարծարծվեցին նաև երկու պետութունների միջև եղած դավանական տարաձայնությունները, որոնք միառժամանակ (Վասիլ I-ի օրոք) նույնիսկ մղվեցին հետին պլան:

Ջաքարիային հաջորդած Գեորգ Գառնեցին 877 թ. կաթողիկոս ձեռնադրվեց Աշոտ Բագրատունու հրամանով³⁴: Հասկանալի է, իշխանաց իշխանը և կաթողիկոսը միավորելու էին իրենց ջանքերը երկրի անկախությունն ամրապնդելու համար: Եկեղեցին շարունակեց օրինակարգել համերկրային իրավակեցությունը, ամրակայելով Աշոտ Բագրատունու իշխանության հոգևոր և իրավական հիմքերը: Ուստի զգալի էր կաթողիկոսի, Հայոց եկեղեցու ազդեցությունը նրա վրա: Դրա ցայտուն վկայությունն է Գեորգ Գառնեցու կողմից Աշոտին թագադրելու փաստը, որով ազդանշվում էր, որ Բագրատունյաց նորընծա թագավորի իշխանությունը ոչ թե օտար տիրակալների շնորհն է, այլ ձեռք է բերվել Հայաստանի գործուն և ժերի ջանքերով և Հայոց կաթողիկոսի օրհնությամբ: Այն նաև եկեղեցու և պետության միասնական ուղեգծի դրսևորումն էր: Հովհաննես Դրասխանակերտցին գրում է, որ Հայ նախարարները «խորհուրդ միաբանական առեալ թագաւորացուցանել զնա ի վերայ ինքեանց, զեկուցանեն ամիրայետին ի ձեռն ոստիկանին Յիսէի»³⁵: Այդպիսով Հայ նախարարները նախ իրենք են Աշոտ Բագրատունուն ճանաչել Հայոց թագավոր, նոր ապա դիմել են խալիֆային, որպեսզի թագը հաստատի³⁶: Պատմագիրը վկայում է, որ Աշոտի թագադրման հանդեսի ժամանակ Գեորգ կաթողիկոսը «զհոգևոր օրհնութեանցն գովութիւնս աստուածայինս ի վերայ կատարեալ փոխանակ օծման սրուակի իւղոյն սլսակեն զնա թագաւոր ի վերայ Ասքանապեան ազին»³⁷:

Ցավոք, պատմագիրը չի նշում Աշոտի թագադրման և օծման տարեթիվը: Թովմա Արծրունին ևս չի հիշում նրա թագադրման և օծման որոշակի թվական: Նա լոկ հաղորդում է, որ Աշոտը թագավորել է չորս տարի և վախճանվել «ՅԼԹ (990) թուականութեան Հայոց, և ի ԺԵ ամի Հայրապե-

³⁴ Հ ո վ հ ա ն ն ե ս Դ ր ա ս խ ա ն ա կ ե ր տ ց ի, էջ 137: Գեորգ Գառնեցու Հայրապետության սկիզբ է համարվել նաև 876 թ. (տես T h. A r t s r u n i. History of the House of the Artsrunik. Transl. and commentary by R. Thomson, Detroit, 1985, p. 293, n. 1):

³⁵ Նույն տեղում, էջ 138-139:

³⁶ J. M a r k w a r t. Sudarmenien und die Tigrisquellen. Wien, 1930, S. 327.

³⁷ Հ ո վ հ ա ն ն ե ս Դ ր ա ս խ ա ն ա կ ե ր տ ց ի, էջ 139:

տուլթյան Գեորգեայ Հայոց կաթողիկոսի»³⁸: Ըստ Ասողիկի, Աչոտը թագավորել է «ամս է»³⁹, իմա՝ 884–890 թթ.: Հավանաբար, Աչոտի թագադրումը կատարվել է 884 թ. վերջին: Այս փաստը հաստատող որոշակի կովան կարող է ծառայել XIV դ. օրինակված մի ձեռագիր Ավետարանի հիշատակարանը, ուր ասվում է, որ Գեորգ կաթողիկոսն «օծեաց զԱչոտ թագաւոր Հայոց ի թվ. մերում ԳՃԼԳ (333/884) և քաղոց ամսոյ ժ»⁴⁰: Քաղոցն ինչպես հայտնի է, հայոց տոմարի 5-րդ ամիսն էր, որի առաջին օրը համընկնում է դեկտեմբերի 9-ին, հետևաբար, քաղոցի 10-ը նույնանում է դեկտեմբերի 19-ի հետ: Ըստ այդմ, Աչոտի թագադրումն ընկնում է 884 թ. դեկտեմբերի 19-ին:

Ինչպես նշվեց, Թովմա Արծրունին Աչոտի մահը դնում է Գեորգ Գառնեցու աթոռակալման 15-րդ տարում: Ստույգ հայտնի է, որ Աչոտ I-ը վախճանվել է 890 թ.: Ըստ այդմ, Գեորգ Գառնեցին կաթողիկոս է դարձել դրանից 15 տարի առաջ, իմա՝ 875 թ.⁴¹:

Աչոտ I-ի թագօրհնների մասին վկայություն ունի նաև Վարդան Արևելցին, ըստ որի «օրհնէ զթագն տէր Գէորգ յերեքհարիւր երեսուն և վեց թուին, և երկուսասներորդ ամի հայրապետության իւրում, և յութհարիւր ութսուն և ութ ամի ծննդեան Տեառն»⁴²: Ստացվում է, որ կաթողիկոսը թագն օրհնել է իր զահակալման 12-րդ տարում, որն ըստ պատմչի, 888 թվականն է: Սակայն անընդհանրապես կլինեի Հայոց եկեղեցու առաջնորդի կողմից Աչոտ Բագրատունու թագադրությունը հետաձգելը, քանի որ կաթողիկոսի կողմից թագադրելու փաստը կարևորվում էր նաև նրանով, որ այն սրբազնագործում էր Բագրատունի զահակալի իշխանությունը, այն դարձնելով օրինական (լեգիտիմ): Աչոտն այդ քայլով նպատակ ուներ նաև ի չիք դարձնել ոչ քրիստոնյա վեհապետից թագ ստանալու բացասական ազդեցությունը:

Ըստ Վարդան Արևելցու, Աչոտ Բագրատունուն թագ է ուղարկել Վասիլ I-ին կայսրը⁴³: Ըստ երևույթին պատմագիրը կամեցել է հայոց թագավորին թագադրված տեսնել քրիստոնյա կայսեր կողմից: Սակայն ժամանակամերձ Հովհաննես Դրասխանակերտցու մոտ նման վկայություն չկա: Նա սոսկ նշում է, որ Վասիլ I-ը դաշինք է կնքել Աչոտ Բագրատունու հետ, նրան «Հաղորդակից կացուցանելով յամենայն թագավորութիւնս տէրութեան իւրոյ»⁴⁴, ինչը հարկավ վկայում է նրանց միջև եղած մերձակցությունից մասին⁴⁵: Դա բնական էր, քանի որ Վասիլ I-ը նպատակադրվել էր խալիֆայությունը դեմ միավորել քրիստոնյա պետություններին, ուստի նա դաշինք կնքեց Կիևյան Ռուսիայի, Բուլղարիայի, Վենետիկի հանրապե-

³⁸ Թ ո վ մ ա Ա ռ ծ ր ու ն ի և Ա ն ա ն ու ն, էջ 356:

³⁹ Տ ա ր ո ն Ե ց ի, III, Բ, էջ 159:

⁴⁰ Մ Ե Ս Ր Ո Վ Ե Ա Յ Ի Ս Կ Ո Ս Ի Ս. Նոր ստացված ձեռագրեր. – «Արարատ». Ս. էջ-միածին, 1910, հուլիս, էջ 623:

⁴¹ Մ. Օ Ր Մ Ա Ն Յ Ա Ն. նշվ. աշխ., էջ 1146 (877 թիվն է նշվում):

⁴² Վ ա ր ղ ա ն. ԽԵ, էջ 85–86:

⁴³ Նույն տեղում, ԽԵ, էջ 85:

⁴⁴ Հ ո վ հ. Դ ր ա ս խ ա ն ա կ Ե ր տ ց ի. էջ 140:

⁴⁵ Հ ր. Բ ա ր թ ի կ յ ա ն. Առաջին երեք Բագրատունի թագավորների այսպես կոչված «բյուզանդական» թագի մասին. – «Պատմա-բանասիրական հանդես», 2001, N 3, էջ 149–154:

տուլթյան, Ֆրանսիայի և Գերմանիայի հետ⁴⁶: Հասկանալի է, կայսրը պեաք է ձգտեր դաշնակից դարձնել նաև Արևելքի քրիստոնյաներին, առաջին հերթին, իհարկե, Հայոց թագակալին: Ըստ երևույթին, այդ հետնախորքի վրա էր, որ կայսրութունում ստեղծվեց Վասիլ I-ի Արչակունի ծագման մասին վարկածը, որի նպատակն էր, հավանաբար վերակենդանացնել Հայոց Արչակունի թագավորների օրոք եղած Հայ-հռոմեական դաշինքի գաղափարը: Սակայն դա ղուրկ էր իրական հիմքից⁴⁷:

Աշոտ Բագրատունին չփորձեց թագազրկելու համար դիմել Վասիլ I-ին և գերադասեց թագ ստանալ խալիֆայից, քանի որ Հայաստանը, թեև անվանապես, նրա գերիշխանությունն տակ էր: Առաջնահերթ խնդիր էր քաղաքականասպես նրանից ձեռքազերծվել և օրինական հիմքի վրա վերականգնել Հայոց թագավորությունը: Մինչդեռ իր հզորության գագաթնակետին դանվող և խալիֆայության դեմ հաջող պատերազմներ մղող Բյուզանդիայի կայսրից (և այն էլ ծագումով Հայ) թագ ստանալը թշնամացնելու էր խալիֆայի, նաև նրանից կախյալ հարևան ամիրայությունների հետ: Բացի այդ, կայսրից թագ ստանալով, Աշոտ Բագրատունին կախման մեջ էր ընկնելու նրանից: Աշոտը խալիֆայության հանգեպ խիստ զգուշավոր եղավ: Նա նույնիսկ Դվինը չդարձրեց մայրաքաղաք, որպեսզի չհեշտի Հայաստանի անջատվելը խալիֆայությունից, որը նախկինի պես այդ քաղաքը համարում էր իրեն ենթակա ոստիկանության կենտրոններից մեկը: Քաղաքական այդ հետնախորքի վրա Հայ-բյուզանդական մերձեցումն ունեցավ ձևական նշանակություն: Աշոտ I-ը չմասնակցեց խալիֆայության դեմ Վասիլ I-ի մղած սլատերազմներին: Հայաստանը մնաց չեզոք դիրքում, ինչը հույժ բարենպաստ եղավ նրա քաղաքական վերելքի ու տնտեսական բարգավաճման համար:

Հարկ է նկատի առնել նաև այն վիստը, որ Բյուզանդիայի կայսրից Աշոտ Բագրատունու թագ ստանալն էականորեն շոշափում էր նաև Հայոց եկեղեցու շահերը: Բյուզանդիայում միշտ հարկման էր ենթարկվում հոգևոր դասը, մինչդեռ Հայոց եկեղեցին ապահարկ էր: Հայաստանում բյուզանդական ազդեցությունն սլարագայում կարող էր հարցականի տակ դրվել նաև Հայ եկեղեցու հարկային առանձնաշնորհյալ կացությունը: Վճռորոշ նշանակություն ուներ այն վիստը, որ Բյուզանդիայի կայսրից Հայոց թագավորի կախվածությունն դեպքում Հայաստանում կարող էր ուժեղանալ Քաղկեդոնական եկեղեցու ազդեցությունը, որից մեծապես խորշում էր դավանական ինքնորոշման ուղին բռնած Հայոց եկեղեցին:

Բյուզանդիայում Բագրատունի և Արծրունի թագավորներին արքա էջին կոչում, այլ իշխանաց իշխան⁴⁸, հավանորեն, նկատի առնելով նաև ոչ քրիստոնյա իշխողներից նրանց թագ ստանալու հանգամանքը: Իհարկե, կային բացառություններ: Այսպես, Պրոկոպիոս Կեսարացին չի զլացել հա-

⁴⁶ Sbo A. B a c и л ь e в. Византия и арабы. Политические отношения Византии и арабов за время Македонской династии. СПб., 1902, с. 8-11.

⁴⁷ N. A d o n t z. L'Age et l'origine de l'empereur Basile I (867-886).— "Etudes Armeno-Byzantines". Lisbonne, 1965, p. 105-106.

⁴⁸ Կ ո ս տ ա ն դ ի ն Մ ի ր ա ն ա ծ ի ն, էջ 7, 10-11, 151:

յոց Արշակ II թագավորին հիշել իբրև «արքայական արյուն ունեցող»⁴⁷: Բյուզանդական մեկ այլ մատենագիր՝ Կեկավմենոսը Վասպուրականի երբեմնի գահակալին՝ Սենեքերիմ Արծրունուն անվանում է «թագավոր և հին թագավորների զարմից»⁴⁸: Բայց դրանք բնորոշ չէին կայսրության պետական ոլորաններում:

Աշոտ Բագրատունին Հայ առաքելական եկեղեցու որդեգրած դավանական ուղեգծի ջերմեռանդ հետևորդն ու պաշտպանն էր, ինչը հավաստվեց նաև Փոտ պատրիարքին նրա հրամանով գրված պատասխան թղթում: Այդուհանդերձ նա շրջահայաց կերպով, ելնելով քաղաքական իրավիճակից, չէր խրախուսում օտարափառ եկեղեցիների հետ հայ հոգևորականության ունեցած դավանական ներհակությունները: Այս առումով ուշագրավ է հետևյալ փաստը. Սևանի վանահայր Մաշտոցը (հետագայում կաթողիկոս), որ հուշակված էր իր բարեպաշտությանը, ինքնագլխորեն, առանց Գևորգ կաթողիկոսի գիտություն, հաղորդակցության մեջ մտավ քաղկեդոնականների հետ⁴⁹: Սակայն դա բնավ չխաթարեց Աշոտ իշխանաց իշխանի և Մաշտոցի միջև ձևավորված մերձակցությունը: Ավելին, Աշոտն անձամբ այցելեց Սևանա վանք՝ Մաշտոցին ընծայաբերելով «զփրկական նշանն աստուածընկալ խաչին. և տայ ի ժառանգութիւն սուրբ եկեղեցւոյն զեօղս՝ զՎարսերն, զՅամաքաբերդ, զԳոմաձորն, զԲերդքն, զՈւռեաց տափ և զորսն կռակծին և այգիս ի Գառնի և յերևան և յայլ տեղիս...»⁵⁰: Դա կատարվեց կաթողիկոսի ու Մաշտոցի միջև հարաբերությունների ծայր աստիճան սրման պայմաններում, երբ Գևորգ հայրապետը նույնիսկ սպառնաց բանադրել Մաշտոցին, քաղկեդոնականների հետ հարաբերակցվելու պատճառով: Հետագայում Արաս սպարապետին ուղարկած նամակում Մաշտոցը գրում էր, որ իր հանդեպ կաթողիկոսի բանադրանքը «յաւէտ յիրաւի և արժանի էր. և զի վրիպեցայ և ըսա արտողի անկեալ՝ ինքնահրաման բարձի զխտրոց սուրբ հարցն, որ ի մէջ մեր և ի Քաղկեդոնականացն, վասն որոյ աղօթահայց ապաշխարութեամբ և առաջիանկամամբ պատառեցի նովին սուրբ ձեռք զձեռնագրեալսն զինէն կարծեօք»⁵¹:

Այնուամենայնիվ, Հայոց եկեղեցին Վրաց եկեղեցու հանդեպ ցուցաբերեց դավանական հանդուրժամտություն, առաջնորդվելով Աշոտ Բագրատունու վարած հեռամետ ու շրջահայաց քաղաքականությամբ: Աշոտ Բագրատունու օրոք Հայաստանը թևակոխեց բարգավաճման շրջափուլը⁵², ամրապնդվեցին նաև եկեղեցու հիմքերը: Աշոտը հավասարակշռված քաղաքականություն էր վարում նաև հայ նախարարների հանդեպ: Թովմա Արծրունին դրում է, որ հարաբերությունները սրվել էին Դեբեդիկ Արծրունու և նրա աներոջ՝ Աշոտ իշխանաց իշխանի միջև, որի պատճառով վերջինս իբր թե «զավ էր նյութել» իր փեսայի դեմ, ինչը հանգեցրեց Հեր քա-

⁴⁹ Պրոկոպիոս Կեսարացի, թարգմ. առաջաբանը և ծանոթագրությունները Հր. Բարթիկյանի, Երևան, 1967, էջ 10-12:

⁵⁰ Cecaumeni Strategicon et incerti scriptoris de officiis regis libelleus. Petropoli, 1896, p. 96.

⁵¹ Հոփհ. Դրասխանակերտցի, էջ 150:

⁵² Ստ. Օրբելիան. Պատմութիւն նահանգին Սիսական. Թիֆլիս, 1910, Լէ, էջ 174:

⁵³ Հոփհ. Դրասխանակերտցի, էջ 150:

⁵⁴ H. Daghbasschian. Gründung des Bagratidenreiches durch Aschot Bagratuni. Berlin, 1893, s. 41, 78-79.

ղաքի ամիրայի կողմից Դերենիկի սպանությունը⁵⁵: Սակայն պատմագրի շարադրանքից երևում է, որ Աշոտ Բագրատունին չի մասնակցել Դերենիկի սպանությունը⁵⁶: Իհարկե, Դերենիկ Արծրունու կենտրոնախույս ուղեգիծը չէր կարող չանհանգստացնել Աշոտ իշխանաց իշխանին, մանավանդ որ Դերենիկն, ըստ Հովհաննես Դրասխանակերտցու, «ոչ անսայր բանի խրատու աներոյ իւրոյ որպէս յերէկն և յեռանդն...»⁵⁷: Սակայն պատմագիրը ընամ չի նշում Դերենիկի գեմ աներոջ լարած դավի մասին: Նա միայն շեշտում է Դերենիկի կողմից Հերի ու Զարեանգի ամիրաներին հնազանդեցնելու պատճառով վերջիններիս կազմակերպած գավազրույթյամբ Դերենիկին սպանելու փաստը⁵⁸:

Աշոտ I թագավորը ցկյանս պահպանեց բարեհաճ վերաբերմունքը Հայոց եկեղեցու, անձամբ Գեորգ կաթողիկոսի հետ: Անգամ մահվան մահճում նա, ինչպես վկայում է Հովհաննես Դրասխանակերտցին, իր մոտ հրավիրեց Գեորգ Գառնեցուն և «ղփրկութենագործ զմարմին և զարիւն Տեառն թոշակ յետին առ ի նմանէ իւր ընկալեալ, ոչ սակաւ ինչ քան թէ զբազումս բաշխէր գանձն ոսկւոյ և արծաթոյ ի տնանկս և յաղքատս, այլ և ի ձեռս հայրապետին հաւատայր գլխապատար գանձարանացն մթերս՝ և զերամակս ձիոց և զգասակս անգէոց և զհօտս ոչխարաց, ամենեին բնաւին բաշխել յեկեղեցիս ուղղափառաց»: Հոգևորականները կաթողիկոսի առաջնորդությամբ Աշոտ թագավորի մահվան թափորին ուղեկցեցին մինչև դամբանատեղի՝ «ի թագաւորանիստ աւանն Բագարան... զխաչակրօն սաղմոսերդութիւնս և զձայնս օրհնութեանցն նուագէին», — հաղորդում է Դրասխանակերտցին⁵⁹:

Գեորգ Գառնեցին թագադրեց նաև Աշոտ I-ի որդուն՝ Սմբատ I-ին (890–913): Կաթողիկոսը թեև պահպանեց իր հոգևոր-ծիսական գերակայությունը, սակայն իշխանների վրա նրա ազդեցությունը քաղաքական տեսակետից թեական էր: Հատկանշական է հետևյալ փաստը: Աբաս սպարապետը՝ Սմբատի հորեղբայրը, Աշոտ I-ի մահից հետո ինքն էր կամենում բազմել նրա գահին՝ «յինքն զթագաւորութիւնն հնարէր նուաճել», — վկայում է պատմագիրը: Երբ վրաց Ատրներսեհ իշխանը (ծագումով Բագրատունի), Սմբատ I-ին սփոփելուց (հոր մահվան առնչությամբ) հետո մեկնեց նաև Աբասի մոտ՝ նույն նպատակով, վերջինս նրան նետեց Կարսի բերդ, կասկածելով «ի քսութենէ ոմանց», թե Ատրներսեհը Սմբատի մոտ «վատ բան է խորհել» իր մասին: Սա առիթ դարձավ, որպեսզի Սմբատ I-ն ու Աբասն ընդհարվեին, որի հետևանքով «ոչ սակաւ խուժան աւերանաց զաշխարաւն հեղոյր»⁶⁰, — ցավով գրում է պատմագիրը: Վտանգավոր ընդհարումներին վերջ տալու առաքելությամբ կաթողիկոսը մեկնեց Աբասի մոտ, խնդրելով հաշտվել գահի օրինական հաջորդի՝ Սմբատ I-ի հետ և ազատ արձակել վրաց իշխանին: Թեև Աբասը խոստացավ կատարել հայոց

⁵⁵ Թ ո վ մ ա Ա ր ծ ր ու ն ի և Ա ն ա ն ու ն, էջ 352:

⁵⁶ I. M a r k w a r t. Նշվ. աշխ., էջ 314:

⁵⁷ Հ ո վ հ. Դ ր ա ս խ ա ն ա կ եր տ ց ի, էջ 140–141:

⁵⁸ Նույն տեղում, էջ 140–141:

⁵⁹ Նույն տեղում, էջ 142–143:

⁶⁰ Նույն տեղում, էջ 144–145:

Հայրապետի խնդրանքը, նույնիսկ «յետկար երզմանն կնքեալ՝ տայր ցՀայրապետն մեծ», սակայն դրժեց իր խոստումը, «քամահեալ ևս զմիջնորդութիւն կաթողիկոսին մեծի»: Գեորգ Հայրապետը վերադարձավ Երազգավորս և այդ մասին իրագեկեց Սմբատ թագավորին: Աբասը Հաշտվեց եղբոր հետ միայն այն ժամանակ, երբ վերջինս պաշարեց նրա նստավայր Կարսի բերդը:

Այս դեպքերի ժամանակ էր, որ խալիֆան թաղ ուղարկեց Սմբատին: Հատկանշական է, որ վերջինս թագադրվեց ոչ թե Դվինում, այլ Երազգավորս գյուղաքաղաքի Ս. Փրկիչ եկեղեցում, որտեղ, ինչպես հավաստում է Հովհ. Դրասխանակերտցին, Գեորգ կաթողիկոսն «աւարտեալ ի վերայ զնուիրական ազօթսն՝ և ածեալ ի գիծս և ի գիրս և ի նկարս տեսականս զոսկեճամուկ զգեցութիւնսն, և եղեալ ի գլուխ զթագ թագաւորութեան նորս»⁶¹: Այդպիսով Գեորգ կաթողիկոսը ոչ միայն օրհնել, այլ և թագադրել է նաև Սմբատ արքային, նրա ուսերին զցելով թագավորական ծիրանին: Վարդան Արևելցին և Ստեփաննոս Օրբելյանը նշում են, որ կաթողիկոսը լուկ օծել է Սմբատ I-ի թագը⁶²: Անշուշտ, ավելի ստույգ է ժամանակով մոտիկ Հովհ. Դրասխանակերտցու վկայութիւնը:

Այնուամենայնիվ Աբասը չՀաշտվեց Գեորգ կաթողիկոսի հետ, նրան համարելով Սմբատի գահակալութեան և այդպիսով իրեն թաղավորի գահաթոռից զրկելու պատճառը: Աբասն այս անգամ ևս անսաց իր վատոգի կուսակիցներին, որոնք «գիւի չարի մատնեալք զերասանակ հոգևոյ իւրեանց», չարախոսում էին Գեորգ Գառնեցու մասին, հույս ակնկալելով, որ այդ կերպ կարող են իրականացնել «զանկումն սրբոյ կաթողիկոսին»⁶³: Աբասն, անշուշտ, հույս ուներ, որ այդ կերպ ի դերև էր հանվելու թագի նկատմամբ Սմբատի իրավունքը, քանի որ այն հաստատվել էր կաթողիկոսի կողմից: Աբասը հույս ուներ Գեորգ կաթողիկոսին գահնկեց անել Սեանի վանահայր Մաշտոցի միջոցով, որը հուշակված էր բարեպաշտ վարքով և հոգևորականների վրա ունեցած մեծ ազդեցութեամբ: Անշուշտ, Աբասը նկատի առավ նաև այն հանգամանքը, որ մի պահ սրվել էին Հարաբերութիւնները Գեորգ Գառնեցու և Մաշտոցի միջև, վերջինիս և քաղկեդոնականների առնչակցութեան պատճառով: Աբասը դիմեց Մաշտոցին հատուկ նամակով, որը պարունակում էր «ամբաստանութիւն յոյժ բժամիտ իմն զկաթողիկոսէն»: Նա Մաշտոցին խոստանում էր բազմեցնել կաթողիկոսի գահին, «միայն թէ հաւանեսցի ի ժողովս չարացն դալ հասանել և միաբանել» իրեն հետ: Սակայն այդ լուսամիտ այրը բնավ չհրապուրվեց Աբասի խոստումներով և «զայրացավ յոգի իւր»: Պատասխան թղթով Մաշտոցը կտրուկ մերժեց նրա առաջարկը: «Քաւ լիցի, — ասվում էր այդ երկարաբան նամակում, — ձեռս ամբառնալ յօծեալն Աստուծոյ և քրէական մեղօք վտարանդի լինել անթողլովն և անբժշկելովն»⁶⁴: Ապա քրիստոնեական բարոյականութեան դիրքերից Մաշտոցը կոչ էր անում Աբասին՝ հրաժարվել անիրավ մտահղացումից, «զի առ հանգերձեալսն դատաստանք

⁶¹ Նույն տեղում, էջ 147:

⁶² Վ ա ռ դ ա ն, ԽԵ, էջ 86, Ս տ. Օ Ր բ ե լ ե ա ն, Լ է, էջ 176:

⁶³ Հ ո Վ Հ. Դ Ր ա ս խ ա ն ա կ ե Ր տ ց ի, էջ 147:

⁶⁴ Նույն տեղում, էջ 151:

ձեր քաղցր եղիցին առաջի տիեզերական ատենին և փառս և պատիւ ընկալիք յԱստուծոյ ընդ երկայն աւուրս»։ Այս անգամ աստվածավախ սպարապետը երկյուղեց և անսաց նրա հորդորներին։ Աբասն, ինչպես Հավաստում է Հովհաննես Դրասխանակերտցին՝ «սարսափմամբ սրտի զարհուրեալ՝ երկնչկով յերագահաս դատաստանացն Աստուծոյ, բազմահառաչ պաղատանօք և արտասուօք անկեալ առ ոտս հայրապետին՝ հայցէր թողութիւն», որին նա ի վերջո արժանացավ անհիշաչար հայրապետի կողմից⁶⁵։ Այո անգամ եկեղեցու առաջնորդի հոգևոր ներգործութեամբ հնարավոր դարձավ վերջ տալ վտանգավոր հետևանքներով հղի ընդհարումներին։

Գեորգ կաթողիկոսը մասնակցում էր նաև միջպետական քաղաքական կնճիռների վերացման դործընթացներին։ Ուշադրավ է, որ երբ Ատրպատականի Ափշին ոստիկանը 894 թ. ստվարաթիվ դորքով ներխուժեց Հայաստան, հասնելով Նախճավան քաղաք, կաթողիկոսը, մոտալուտ պատերազմը կանխելու մտահոգութեամբ «գնայր ընգառաջ ոստիկանին, զի թերևս ջանահնարն լինել նորա առ Ափշին՝ զսիրտ քարեղէն նորա կակղել բաւեսցէ, և խնամարկել բանաւոր հօտի Տեառն»⁶⁶։ Եվ դա այն պարագայում, երբ Ափշինն իր մոտ հրավիրեց նաև Սմբատ I-ին, որը, սակայն, կռահելով նրա նենգ մտազրույթունը, հրաժարվեց մեկնել նրա մոտ։ Մինչդեռ կաթողիկոսն անտեսեց զգուշացնող ձայները և ստիպված անձամբ ժամանեց ոստիկանի մոտ, որպեսզի վերջ տա Հայաստանի և Սմբատ թագավորի նկատմամբ ոստիկանի չարադետ նկրտումներին։ Բայց վերջինս ոչ միայն չանսաց Հայաստանի հոգևոր առաջնորդին, այլև, ինչպես վկայում է պատմագիրը՝ «հրամայէ ունել դնել զնա ի շղթայս և ի ձեռնակապս երկաթիս, և ինքն խաղայ գնա ի վերայ արքային Սմբատայ»⁶⁷։

Թեև նույն ժամանակ Դողս գյուղի մերձակայքում հայոց բանակը ջախջախեց Ափշինի զորքը, սակայն Սմբատ թագավորն առաջնորդվելով երկրի խաղաղությունն ապահովելու, ինչպես նաև կաթողիկոսին բանտի կապանքներից ազատելու ցանկութեամբ, մուծեց խալիֆայության պահանջած հարկազումարը։ Բայց գրանից հետո, ավելի քան երկու ամիս, ընչաքաղց ոստիկանն ազատ չարձակեց Գեորգ հայրապետին, կամենալով, անշուշտ, նրանից կորզել իր բաժին դանձր։ Նա կաթողիկոսից, իբրև փրկավճար, պահանջեց «գանձս ոսկւոյ և արծաթոյ», ապա նրան տարավ Փայտակարան քաղաք։ Հայոց հովվապետն ազատ արձակվեց միայն այն ժամանակ, երբ Հայ իշխանները Համամ Արևելցի նախարարի միջոցով մեծադուժար դանձեր ուղարկեցին Ափշինին⁶⁸։

Վերոշարադրյալից կարելի է հետևեցնել, որ Բագրատունյաց թագավորութեան հիմնումից հետո Հայ առաքելական եկեղեցու առաջնորդները պահպանում էին իրենց ազդեցիկ դործառնությունը երկրի հոգևոր ու պետական-քաղաքական ոլորտներում։ Անհրաժեշտ դեպքերում նրանք միջամտում էին Հայաստանի ներքաղաքական, երբեմն նաև արտաքին քա-

⁶⁵ Հ ո վ հ. Դ ր ա ս խ ա ն ա կ ե ր տ ց ի, էջ 157–158:

⁶⁶ Նույն տեղում, էջ 168:

⁶⁷ Նույն տեղում:

⁶⁸ Նույն տեղում, էջ 169–170:

ղաքական գործընթացներին: Կաթողիկոսները սատարում էին երկրի գործուն ուժերի քաղաքական համախմբման ուղղութիւնում: Բագրատունի թագավորի ներգրած ջանքերին: Հայոց թագավորի իշխանութիւնը սրբազանագործող կաթողիկոսները ջանում էին երկրի լայն խավերում սնուցանել այդ իշխանութիւնի օրինականութիւնի գաղափարը: Նրանք նաև հետամուտ էին Հայաստանի միասնական իրավակեցութիւնի ապահովմանը: Առաջնորդելով իրենց հոտի համար տանելի գոյավիճակ ստեղծելու կենսահույզ խնդիրներով, հայոց կաթողիկոսները չէին խուսափում մահամեղական տիրակալների մոտ վտանգավոր դիվանագիտական առաքելութիւնների դիմելուց: IX դ. երկրորդ կեսին Հայոց եկեղեցու և պետութիւնի համադրան գործունեութիւնը հույժ նպաստավոր եղավ Հայոց թագավորութիւնի ամրակայացման, երկրի քաղաքական միասնութիւնի ու խաղաղակեցութիւնի, բարգաւաճման և հոգևոր-մշակութային առաջընթացի համար: Այն նաև նպաստեց Հայ առաքելական եկեղեցու հինավուրց հիմքերի ամրապնդմանը:

ВОПРОСЫ, КАСАЮЩИЕСЯ ОТНОШЕНИЙ ГОСУДАРСТВА И ЦЕРКВИ ВО ВТОРОЙ ПОЛОВИНЕ IX в.

ВРЕЖ ВАРДАНЯН

Р е з ю м е

Армянская Апостольская церковь выступала защитницей и носительницей идей государственности и права. Багратидские армянские цари нуждались в таком влиятельном союзнике, как церковь. Первые Багратидские цари укрепляли экономическую мощь церкви, помогали решать духовные дела, входившие в компетенцию католикоса. В свою очередь католикосы иногда вмешивались в межкняжеские раздоры, стремясь сгладить противоречия. Багратидские цари направляли деятельность церковных соборов. Исходя из политических соображений, они не возбудили богословские, конфессиональные распри между Армянской и халкидонскими церквами. Причем царь Ашот I отверг предложения византийского патриарха Фотия о принятии армянами халкидонского вероисповедания. Благодаря поддержке светской власти, Армянская церковь сохраняла свою целостность, привилегированный статус, иерархичность.